



Inatsisartunut ilaasortaq Jess Svane  
maani

**Efterskolit pillugit § 37 naapertorlugu apeqqutinnut nr. 126-mut akissut**

Asasara Jess Svane

Efterskolit pillugit apeqqutinnut Naalakkersuisut qutsavigaatsit

18-05-2015  
Sags nr. 2015-114943  
Dok. nr. 1962903

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

**Apeqqut 1. Efterskole Villads Villadsen aamma Maniitsumi efterskoli  
aningaasartuutitigut qanoq immikkoortillugit agguataariffigineqarsimappat?**

**Akissut:** Aningaasat Efterskole Villads Villadsenimut aamma Maniitsoq Efterskolimut immikkoortinneqartut aningaasanut inatsimmit 40.10.06-imi – Kalaallit Nunaanni efterskolit ingerlanneqarnerinut tapiissutit takuneqarsinnaapput. Assigiinngissutaat pissutaavoq, soorlu aamma aningaasanut inatsimmut oqaaseqaatini ersittoq, Maniitsumi efterskoli ilinniartunik immikkut pisariaqartitsisunik ilinniartitsisarneranut tapiissuteqarneq. Nunap karsianit tapiissutigineqartartut saniatigut efterskolit angajoqqaat akiliutaannik, annertussusaasa namminneq aalajangertakkaminnik, akiliisitsisarput.

**Apeqqut 2. Nunanit allanit ilinniartuuteqarsinnaanerit qanoq  
pilersaaruteqarfigineqarpat?**

**Akissut:** Kalaallit Nunaanni efterskolit ilinniartuupput imminnut pigisut, ilinniartut kikkut ilinniartuutigissanerlugit namminneq aalajangiisartut. Taamaammat ilinniartunik nunanit allaneersunik ilinniartuuteqassanerlutik efterskolit namminneq aalajangissavaat.

Inussiarnersumik inuulluaqqusillunga

  
Nivi Olsen